

中華民國郵政特准號認爲新聞紙類

中華民國十一年二月一日至五日

第七期

湖南正報

(印代局刷印章印正門沙小吳長)

價目



(二) 本報每月每份光洋八角
(三) 外埠每月每份另加郵費二角

(三) 每冊零售一角四分

湖南省長公署發行

目錄

湖

南

省長指令湘潭縣知事孔慶誠呈爲轉請分段負責懇立案杜累由
省長批湘中善後協會胡曜等呈爲懇予撥米補助冬賑由
省長致各縣知事電

省長訓令湘西巡防軍統領陳渠珍據麻陽省議員任時琳等函請令麻陽肅清迷河土匪由
省長指令桂東縣知事陳洪範呈報軍隊到境並咨行鄰封會同剿匪情形祈鑒核由

教育

省長批省教育會呈請令行各縣籌募建築會場捐款由

省長訓令各縣知事案據湖南省教育會呈請令各縣籌募建築會場捐款等情仰該知事遵照辦理由
省長指令桂陽縣知事朱綸煥
第五區省視學潘實岑呈請將興賢堂改爲學款經理處由

省長指令第五區省視學潘實岑呈賣新田學務報告表由

省長訓令新田縣知事案據第五區省視學潘實岑呈賣新由學務報告等情仰該知事遵照辦理由

省長指令芷江縣知事楊子奉呈爲縣視學李續辭職請委楊盛筠接充由

省長委令楊盛筠爲芷江縣視學由

省長訓令各縣知事准上海中華職業學校函開請令各縣咨送該校學生等情仰該知事查照辦理由

省長指令羣治法政專門學校校長羅傑呈補賣學生陳錦棟等證明書請變通准予備案由

省長批祁陽義務教育促進會黃葵等呈報成立日期並簡章請備案由

省長指令寶慶私立循程學校校董岳季吳等呈請指撥田賦月息由

省長指令甯鄉縣勸學所所長喻士龍呈懇分別增減田賦附加以維學款由

省長指令江華縣知事呈賣九年學事年報由

省長指令新田縣知事李健呈報勸學所長劉振漢任期屆滿懇加委連任由

省長委令劉振漢爲新田縣勸學所所長由

省長指令第十三聯合縣立中學校校董會呈請委任鄧天演爲校長由

省長委令鄧天演爲湖南第十三聯合縣立中學校校長由

省長指令第六聯合縣立中學校校董唐維亞等呈爲修改規程懇核准備案由

省長指令岳陽縣知事李西庚呈復劃撥四成屠稅及菸酒附加各學款一案情形由

省長訓令岳陽勸學所長方澤森據岳陽知事呈復劃撥四成屠稅等附加學款一案仰該所長知照由

實業

湖南省總司令部布告湖南第一紡紗廠工徒由

湖南省長公署

湖南總司令部訓令財政廳長鍾才宏召集湖南第一紗廠總理等訂定該廠專章由

湖南省長公署訓令各實業機關等加意講求播種大豆由附解決生活問題

省長訓令各縣知事准農商部令請轉

省長指令省有鑛務總局呈報遵令送還紗廠工程籌備處運費洋三千元票據請備案由
省長訓令水利局據鄒任方呈賣治水意見書仰即查照規畫進行由

省長訓令常德縣知事據全美垸電呈已繳足款項請開釋由

省長指令財政廳呈爲根據議案酌擬修改垸田科則呈請核示遵辦由

省長指令衡陽縣知事呈轉開辦五金電料有限公司仰祈核示由

財政

省長指令財政廳呈請核示究應如何追繳益陽林前局長虧款仰令行原籍知事嚴追由

省長致湖南省議會公函

省長答總司令部文

省長致湖南省議會公函

省長答總司令部文

省長指令湖南財政廳呈爲各機關借欠新幣已分別償還懇派員監視彙燬由

省長訓令監視燬幣委員王貫三據財政廳呈懇派員監視截燬新幣等情仰該員遵照由

省長指令財政廳呈爲議覆瀏陽平江兩縣請蠲免十一年田賦由

省長答省議會文

省長訓令 瀏陽 平江縣知事據財政廳呈爲議覆平兩縣蠲免十一年田賦等情仰該知事徵齊掃解由

省長指令湘鄉縣知事鄧德瑞電懇派兵協助警隊分赴各鄉以便開征錢糧由
省長公署致總司令部代電

省長致湖南省議會公函

省長訓令財政廳准省議會函請迅電新化知事將包辦雜稅委員謝澤湘撤辦由

省長致湖南省議會公函

省長訓令財政廳廳長
湘潭縣知事准省議會函准湘潭參事會電請將各項抵借悉數抵還田賦由

省長覆零陵縣知事電

省長訓令財政廳據零陵縣知事電請採米接濟民食懇飭局卡免釐等情仰該廳長查照辦理由
省長指令卸任牛洲警察分所長龍道濟呈爲追獲米案懇調卷查核以昭眞相由

省長訓令湘陰縣知事案據卸任牛洲警察分所長呈爲追獲米案懇調卷查核等情仰該知事遵辦由
省長指令辰谿縣知事呈覆廖星階控團總羅鑒臣劣跡昭彰請飭撤究准予免究由

司法

高等檢察廳訓令道縣知事文漢德案准高審廳函稱該縣監獄經費查照定額支發仰卽遵照由
高等檢察廳指令永陽縣司法收費書記官夏畊莘呈賣接收移交清冊乞鑒核由

高等審判廳刑民庭公開審理案件日時通告

內務

湖南省長公署指令

令湘潭縣知事孔慶誠

呈爲轉請分段負責懇立案杜累由

呈費均悉據轉呈該縣十三都一甲歷分九境西塘境內有馬家河市鎮爲交通要區人烟輻輳一至荒年該市商家地主每將自己囤糧盡行售出復強迫鄉農輦米至市並有卡壓挑剔等情殊有未合茲據該鄉境黃叔和等請援照渝田各處小市鎮辦法另立街團對於鄉鎮應辦事件各負責任等情既據查係實在情形卽由該知事斟酌辦理所請由本署備案之處着無庸議此令賣件發還

計發還合約一份副呈一件

趙恒惣

中華民國十一年一月二十日

湖南省長趙示

批湘中善後協會胡曜等呈爲懇予撥米補助冬賑由

呈悉該紳等籌辦冬賑惠濟災黎深堪嘉許惟公家前次查充各處之米業經分撥罄盡所請酌予捐助之處實屬無從挹注仰即知照此批

中華民國十一年一月二十日

省長電令各縣知事

各縣知事鑒治匪備荒實爲現時當務之急節經頒布規章明定考成通令遵辦在案現在各縣地方萑苻未靖杼柚告空遍野哀鴻瘡痍滿目言念及此寢饋難安自非殲除醜類充實倉儲不足以綏閭閻而維民食各該知事職在親民考成所關責無旁貸對於懲治盜匪籌備荒政務宜詳密規畫切實舉行本省長將考察此二事之成績以爲黜陟之標準其有實心任事成效顯著者立予從優獎叙以勵賢勞如或玩視民瘼致滋貽誤者定當從重處分以示懲戒除派員實地密查外合再電令仰即遵照迭次令飭認真辦理毋稍違誤是爲至要仍將遵辦情形隨時分別具報以備查考省長趙印

湖南省長公署訓令

令湘西巡防軍統領陳渠珍

案據麻陽省議員任時琳等函稱頃接敵邑來函據稱邑中米價陡漲每斗現至三千八百餘文閭邑甚爲驚惶推其原因固由本年收成歉薄亦由辰麻交界地方有所謂迷河者土匪充斥運道梗塞來源既絕價逐日昂非急設法肅清將來米價日趨昂貴勢必漲至每斗四五千且無處糶買千萬哀鴻惟有坐以待斃言念前途不寒而慄總座痛瘞在抱對於剿匪救荒計畫周詳本無容曉曉瀆陳惟時琳等傷心鄉難難安緘默用特函懇鉤座准予所請嚴飭該處防軍尅期將迷河河道疏通俾運輸不至中梗民食自可維持倘荷垂鑒則麻民感激不啻再造等情據此合行令仰該統領轉飭駐麻防軍將迷河土匪剋日肅清以通河道而維民食是爲至要此令

中華民國十一年一月二十三日

湖南省長公署指令

趙恒恩

令桂東縣知事陳洪範

呈報軍隊到境並咨行鄰封會同剿匪情形祈鑒核由

呈悉據稱協商防軍督飭團練咨會鄰縣派兵圍剿土匪各情辦法甚是務即從嚴殲除以固邊圉而安閭閻此令

趙恒恩

中華民國十一年一月二十日

期

七

號

內

容



四

教育

湖南省長趙示

批省教育會呈請令行各縣籌募建築會場捐款由

呈費暨件均悉應准分令各縣知事查照所擬辦法分別辦理此批

中華民國十一年一月二十四日

湖南省長公署訓令

令各縣知事

爲令行事案據湖南省教育會呈稱呈爲改建會場懇請通令募款事竊教育爲國家根本至計省教育會實爲全省教育中樞一切學務端賴規畫促進應用場所允宜設置完備故年來如晉豫粵浙諸省莫不建築新式會場藉以宣傳文化而收促進教育之功效會場自前清宣統元年建築以來因地點適中屋宇宏敞舉凡各界會集莫不假坐其間關係重要已可概見奈當時建築但求美觀一切構造多違學理以是歷年雖少險狀迭呈去秋以還破裂愈甚屋頂環牆均將傾圮廢置未用者又忽經年如名人講演會及常年大會均皆假用各校或外人禮堂舉行他如全省學校成績展覽會公共理化博物實驗室等亦竟因之停頓其有妨全省教育進行實非淺鮮且吾省爲首倡自治省份而省垣無一公共集會之地又何以交換民意而示公開昨年一月敝會第一屆評議員常會議定援照從前建築成例分縣由公款項下籌募款項大縣六百元中縣四百元小縣二百元其他由私人自由捐助以便從速改建擬分

全部工程爲大會場及圖書館公共理化博物實驗室通俗教育博物館幻燈場娛樂室學校園健身房游泳池等部特於上月成立改建會場籌備處並選定曹典球賓步程彭施濤等爲正副處長經繪圖設計擬先建大會場及圖書館二部以應急需惟是工程浩大爲費不資除由鈞署及總司令部先後撥給各款而所差甚鉅非由各縣分擔募集不足以供需用而成巨觀理合查照評議會議決案檢同募捐辦法備文呈請鈞署通令各縣查照組織大綱於教育會或勸學所內設立募捐部分途籌募解送以資集腋俾早觀成等情到署據此除批〔同上〕此批抄由發並分行外合行檢發捐簿收條並印刷名單令仰該知事即便遵照辦理此令

計發捐部一本收條一本印刷單一張

趙恒志

中華民國十一年一月二十四日

湖南省長公署指令

令
桂陽縣知事朱綸煥
第五區省視學潘實岑

呈請將興賢堂改爲學款經理處由

呈悉該縣縣議會以興賢堂所有額租未便改作學款各情呈請到署業經批示詳切疏解毋相阻撓在案查該堂屢以爭佔堂董互相控訴迄未妥結此次改爲學款經理處既去積弊復能確定學款殊於義務教育之推行大有裨益自應准予照辦仰卽轉知迅爲妥擬經營規程呈候核准備案可也此令

趙恒毅

中華民國十一年一月二十四日

湖南省長公署訓令

令第五區省視學潘實岑

呈賣新田學務報告表由

呈及賣件均悉查新田縣教育經費既經指定各款並應遵照本署通令劃分保管可籌之數尤應力求擴充以資推廣義務教育已通令實施應按照定期籌設師範講習所儲成師範人材藉敷應用所訂各項照辦券尚無不合准予備案縣立高等小學校校長文鳳池女子職業學校校長劉華藻濂溪國民學校校長駱樹枏均不稱職自應撤換遴委委員接辦教育行政人員及各校職教員熱心負責者固不乏人而曠棄職責不知學務者亦復不少自應查照該員指導批評要點分別辭退力圖改進除節抄報告表令行該縣知事遵照辦理外仰卽知照此令報告表擇要抄發

趙恒毅

報

中華民國十一年一月二十四日

湖南省長公署訓令

令新田縣知事

爲令行事案據第五區省視學潘實岑呈賣觀察新田縣教育報告表及教育事宜照辦券到署據此除

教育

指令(同上)印發外合行節抄該員報告表要項令仰該知事即便遵照辦理此令
計節抄報告表一份

趙恒堅

中華民國十一年一月二十四日

湖南省長公署指令

令芷江縣知事楊子奉

呈爲縣視學李續辭職請委楊盛筠接充由

七
呈及履歷均悉該縣視學員李續既經呈請辭職自應將歷期報告書表費呈備查該縣知事呈請接充
視學之楊盛筠資格尙合應准令委委任令隨文附發仰即轉給具領惟縣視學不能兼職着將該員勸
學所員本職開去以專責成此令履歷存 計發委任令一件

趙恒堅

中華民國十一年一月二十五日

湖南省長公署委任令

令委芷江縣視學楊盛筠

爲令委事據芷江縣知事楊子奉呈請委任楊盛筠爲縣視學除指令照准外合行令委該員即便認置

湖南省長公署

中華民國十一年一月二十五日

湖南省長公署訓令

趙恒毅

令各縣知事

爲令行事宜案准

上海中華職業學校函開近來各處辦理職業學校者紛紛繼起每感師資缺乏之困難敝社附設中華職業學校曾於民國八年間附設職業教員養成科一班畢業以後回至本地服務稱職者尙屬不少遠近同志輒以續辦爲請而各地已辦之職業學校或其他含有職業教育之機關常委託敝社物色職業專科教員苦無以應因知此項教員之養成確有繼續辦理之必要爰經草具辦法提交議事員會通過定名職業師範科將於本年寒假後開辦茲特備函檢奉簡章二十份敬希酌發貴省各縣勸學所如需此項師資擬請儘於二月二十八日以前保送到校以宏造就而便推廣職業教育實所厚幸等因准此合行檢同招生簡章令仰該知事查照辦理此令

趙恒毅

中華民國十一年一月二十五日

湖南省長公署指令

令羣治法政專門學校校長羅傑

呈補費學生陳錦棟等證明書請變通准予備案由

呈件均悉查該校新招各生原校畢業證書除前次已費呈外其餘各生證書據稱遭兵匪遺失業經明白指令在案茲又據稱經原校長證明畢業者除陳錦棟等十名經原校職教員證明畢業者尹紹憲等三名經公正紳官證明畢業者蕭驥等七名核查陳錦棟等證明各書係與前令相符應准升學至尹紹憲等各生是否前在中學畢業本署無案可稽未便遽予核准備案仍仰遵照前令辦理毋得稍予變通致滋遺誤青年計此次補繳陳錦棟等證明書十件存餘件發還此令

趙恒恩

中華民國十一年一月二十五日

湖南省長趙示

批祁陽義務教育促進會黃葵等呈報成立日期並簡章請備案由

呈暨簡章均悉查各縣舉辦義務教育促進會原為聚合羣策羣力以促進籌施義務教育起見所有應辦事項業經載於籌施義務教育程序第三條該會既經成立仰即會同勸學所及各區學務委員會切實研究籌畫如有建議呈候該縣知事查核辦理并予轉呈核奪可也此批簡章存

中華民國十一年一月二十五日

湖南省長公署指令

令寶慶私立循程學校校董岳季吳等

呈悉查田賦月息劃作教育經費由勸學所統籌支配早經通令在案該校係屬私立可由勸學所酌量
津貼所請指撥田賦月息之處礙難准行仰即知照此令

調

中華民國十一年一月二十五日

趙恒鑑

湖南省長公署指令

令甯鄉縣勸學所所長喻士龍

呈懇分別增減田賦附加以維學款由

呈悉前據該縣高前知事呈報田賦附加二角作為教育經費等情前來正核辦間復據各鎮鄉代表謝
芬等先後呈電到署請予取銷田賦附加學款二角細繹來呈爭點以未經縣議會議決為反對理由本
署當以原經縣議會議決之一角決難取銷其加收之一角姑作懸案俟召集各鎮鄉士紳會議或就原
案執行或另籌彌補方法總以合成原加五千元之學款為度不得再有減少等語令縣照辦在案據呈
各情仍仰遵照前令候縣辦理可也此令

趙恒鑑

報

中華民國十一年一月二十五日

湖南省長公署指令

令江華縣知事

載 背

呈賣九年學事年報由

呈報均悉查國民學生原定男女同校該縣另設女子國民學校未免多耗公款應儘現有學生畢業後改辦女子高等小學或於本年秋季先招高等小學生一班以爲升學師範準備又查各區實施義務教育期限雖已分別規定但提充各項經費未據事前籌畫屆期恐難實行仰即督飭勸學所遵照實施強迫教育辦法案第四款甲項籌集各項經費積極進行可也此令報存

趙恒懋

中華民國十一年一月二十五日

湖南省長公署指令

令新田縣知事李健

呈報勸學所長劉振漢任期屆滿懇加委連任由

呈悉該縣勸學所長劉振漢既屬稱職應准加委連任委令隨文印發仰卽轉給具領此令

計發委任令一件

趙恒懋

七

中華民國十一年一月二十五日

湖南省長公署委任令

令委新田縣勸學所長劉振漢

爲令委事據新田縣知事李健呈爲勸學所長劉振漢任事以來尙屬稱職現屆任滿請予加委連任等
情據此除指令照准外合行令委該所長令到即賡便續供職並將關於強迫教育應辦事宜切實進行
爲要此令

趙恒愬

中華民國十一年一月二十五日

湖南省長公署指令

令第十三聯合縣立中學校校董會

呈請委任鄧天演爲校長由

呈悉准予照委委任令隨文並發仰即轉給具領可也此令

計發委任令一件

趙恒愬

中華民國十一年一月二十五日

湖南省長公署委任令

令委湖南第十三聯合縣立中學校校長鄧天演

爲令委事案據第十三聯合縣立中學校校董會呈請委任鄧天演爲湖南第十三聯合縣立中學校校長以專責成等情據此除指令照准外合行令委該員令到仰即遵照接收視事力求整頓毋負委任並

將視事日期呈報備查此令

趙恒恩

中華民國十一年一月二十五日

湖南省長公署指令

令第六聯合縣立中學校校董唐維亞等

呈爲修改規程懇核准備案由

呈悉查修改各條尚無不合應准備案仰即知照此令

省長趙恒恩

中華民國十一年一月十六日

湖南省長公署指令

令岳陽縣知事李西庚

呈復劃撥四成屠稅及菸酒附加各學款一案情形由

呈悉查我國貧弱不振由於教育未能普及本署有見及此特就淮川粵精等項鹽稅內劃撥教育經費以固省校基礎並於實施強迫教育辦法案內指定縣教育經費撥歸勸學所經理免受政潮影響該知事職司牧民當以教育爲根本事業應即轉知雜稅局將四成屠稅及菸酒附加稅違章撥歸勸學所支配以裕學款至行政不敷各費另籌彌補可也並候令飭勸學所知照此令

趙恒毅

中華民國十一年一月二十六日

湖南省長公署訓令

令岳陽勸學所長方澤森

爲令行事據岳陽縣知事李西庚呈爲呈覆事案奉鈞署教字第三八七二號訓令據岳陽縣勸學所長方澤森呈請轉飭劃撥四成屠稅及菸酒附加各學款一案除原文邀免全錄外尾開合行令仰該知事即便轉飭遵照此令等因奉此查此項學款本不得挪作他用惟知事於去年八月抵任後所有一切款項未據前任移交又值水旱奇災地方人民非常困苦田賦既緩開征雜稅又另設局經費困難達於極點百廢待舉一錢莫名祇得呈請兩湖巡閱使准於岳城及城陵磯兩雜稅局每月撥款一千二百五十元以作行政及司法各項經費不料該兩局稅收不旺每月除開支局用外攤解職署撥款尙屬不敷致將學款暫停並非捐款不發在知事原情撥款以作行政司法經費之時以爲該局每月所收有贏無絀可資分撥無如事與願違稅收款薄益行政則損教育益教育則損行政在該局亦實出兩難現正設法籌維容俟公款有着卽咨雜稅局將以前所停學款如數補發以維教育茲奉前因理合將詳細情形備文呈覆鈞署伏乞俯賜察核實爲公便等情據此除指令呈悉(同上)此令印發外合行令仰該所長即便知照此令

中華民國十一年一月二十六日

趙恒毅

敬啓

十一

期

七

第

威
武



實業

湖南總司令部
省長公署佈告

湖南第一紗廠爲吾湘重要生產機關於社會之金融個人之生計關係甚鉅自應力予維持以促吾湘實業之發達乃該廠自上年開工以來始則遭外界之搗毀今復釀內部之風潮雖由不肖之徒從中煽惑有意破壞而該工徒等聽人播弄率爾盲從其事可惡其愚可憫本總司令
省長據報前情憂憤交集用是剴切佈告須知吾湘實業方在萌芽設令摧殘振興何望大之影響社會小之波及個人爾工徒等既在該廠作業利害關係尤爲密切務各安分勤工保全令譽如或越規覲矩不知自愛則是害羣之馬一經查實惟有執法以繩其後至該廠開辦伊始一切規章容有未臻完善之處業經本部署令行財政廳長招集該廠監察及華實公司總理董事等訂定專章凡關於工資之多寡工作時間之長短以及衛生假期獎勵撫卹暨一切應行規定事宜詳細協商斟酌擬訂呈由本部署核定務期推行盡利並令該監察員隨時查察切實履行俾工人有樂業安居之心該廠臻日新月異之盛吾湘實業前途實利賴之切切此佈

總司令
省長
趙恒毅

中華民國十一年一月二十三日

湖南總司令部
省長公署訓令

實業

爲令遵事案照湖南第一紗廠爲吾湘重要生產機關於社會金融個人計關係甚鉅乃自上年開工以來始則遭外界之搗毀今復釀內部之風潮雖由不肖之徒從中煽惑有意破壞然該廠開辦伊始所有一切規章亦有未臻完善之處若長此蹈襲故常不加整理殊於實業進行大有妨礙爲此令仰該廳長迅即招集該廠監察員及華寶公司總理董事等訂定專章凡關於工資之多寡工作時間之短長以及衛生假期撫卹獎勵暨一切應行規定事宜詳細協商斟酌擬訂呈由本部署核定務期推行盡利並令該監察員隨時查察切實履行俾工人有樂業安居之心該廠臻日新月異之盛吾湘實業前途實利賴之此令

總司令
省長 趙恆惕

七

中華民國十一年一月二十三日

湖南省長公署訓令

令各縣知事

爲令行事案據實業科呈北農商部來文准外交部咨據倫敦總領事呈稱竊自大戰以後食物昂貴生活增高歐洲人士多有倡議以大豆製麵包及代替牛乳之飲料藉以解決日下生活之間問題查此類大豆東三省及西北諸省均有產種每年裝運海外銷路甚廣爲我國出產之一大宗邇來各國人士盛倡採用豆類以充飲食品之說將來各地廣行播種我國農產前途難免不受影響即如茶葉一項自錫蘭台灣瓜哇等處茶葉大興華茶銷路日形衰落我國地質富饒氣候適宜關於種植此類大豆究竟如何

改良似應及早研究設法振興庶免落人之後坐失固有之利權茲將倫敦植物學會那士君所著解決生活問題論說一則檢呈察閱並請轉達農商部核辦等情檢送原件咨請查照辦理等因到部查大豆

爲我國農產輸出大宗方今需用日增銷行益暢自應研究改良推廣種植以興農業而濬利源除咨復外合亟抄錄譯件令行該廳轉飭各實業機關暨各試驗場加意講求普爲勸導等因并附抄件到署呈請核辦前來查大豆爲我國固有之農產邇來各商埠銷行海外已成出口大宗現歐美人士旣研究收益我國尤應加意改良推廣種植一以興農業而厚利源一以備災荒而濟民食除分令外合行檢印附件令仰該知事即便轉飭縣農會注意改良勸導農民廣爲播種爲要此令

計抄發附件一份

趙恒惕

中華民國十一年一月二十六日

附錄解決生活問題 黃荳

本年九月二十八日倫敦時報載稱黃豆粉荳麪包荳乳等物於吾人有莫大裨益歐戰以前在倫敦所製造之荳乳品曾陳列於衛生所其價格之低廉過於牛乳實足爲商業上創一紀元中國五千年前已知栽植黃荳至中國開放商埠時生荳荳餅荳油等物已成通商之要品十八十九兩世紀之間歐人曾屢經試種但因不諳培植之法及氣候風土不宜之故未能收效迄二十世紀之初歐美人士頗能潛心研究以至今日中美黃荳遂成爲國際貿易上一種物特要之農商產矣

湖南省長公署指令

令省有礦務總局

呈報遵令送還紗廠工程籌備處運費洋三千元票據請備案由

悉准予備案此令

趙恒恩

中華民國十一年一月二十七日

湖南省長公署訓令

令水利局

七
爲令行事業據鄒任方呈擬治水意見書前來本署查閱其中條陳組織測量治水籌款各辦法尙屬切
實可採合行令發該局仰即參酌規劃進行此令

計發意見書一本

趙恒恩

中華民國十一年一月二十七日

湖南省長公署訓令

令常德縣知事

爲令行事業據全美垸電稱門板洲特請漢興全美兩局鈞署早日電令酌減一全現漢興已照繳納被

押垸首旣奉明令開釋全美事同一律茲捐已援例繳足被押垸首萬懇一視同仁迅令開釋無任感禱等情據此查總部抽收門板洲特捐一案凡押繳之垸首已經本署令飭該知事遵照皓電責付保釋在案茲據電情該垸特捐已否繳清所押垸首何人未據叙明合行令仰該知事查明該垸特捐如已繳足垸首何人在押自應遵照皓電一律責付保釋以昭公允此令

趙恒懸

中華民國十一年一月二十七日

湖南省長公署指令

令財政廳

呈爲根據議案酌擬修改垸田科則呈請核示遵辦由

呈悉該廳核議垸田賦則擬將湘沅兩縣上則減一分中則減五釐下則仍舊華容垸田定爲每畝一角拆田定爲每畝六分減去尾數此外各縣仍維持原案免滋紛擾等情本署查核所擬辦法尙於公家收入無大損失惟湖民代表楊達等竟以擬辦失當懇核更正以符法案而重賦則等情具呈前來當此民治大昌之日國課民艱兩應兼顧本署茲就該廳所擬辦法再三斟酌湘沅兩縣既處湖流趨下之區地勢低洼所有下則垸田亦應酌減五釐以昭平允除咨覆

省議會並令行水利局知照外合行令仰該廳即便分別轉飭各縣遵照辦理以定科則而促徵收切切

此令

實業

中華民國十一年一月二十七日

湖南省長公署指令

第

呈轉開辦五金電料有限公司仰祈核示由

令衡陽縣知事

呈書均悉核閱轉呈該縣茂記五金電料公司呈請註冊文內有此項營業係敝公司特有權誠恐地方有藉此漁利者致滋事端是特呈請縣長准予批示註冊並乞指令給存用消爭競於無形等語查經售五金電料係屬販賣營業出售品既非該公司自製自無專利特權之可言再查公司註冊應具文件甚多茲僅據開賣營業概算書前來又無發起人姓名於例不合應由該公司查照公司註冊條例詳擬章程及一切應具文件註冊費抄約等項呈由該知事轉呈核奪仰即轉飭知照此令

趙恒恩

中華民國十一年一月二十七日

四

七

財政

湖南省長公署指令

令財政廳

湖南

呈請核示究應如何追繳益陽林前局長虧款仰令行原籍知事嚴追由
呈悉據稱林前局長昌武虧短之款爲數甚鉅旣經脣局長迭向交涉該前局長仍復任意延宕抗不繳
款殊屬不合仰即令行該前局長原籍知事嚴行追繳如再抗延卽將該前局長家產悉數查封備抵可
也此令

趙恒恩

中華民國十一年一月二十四日

公函

逕覆者案准

貴會函准茶陵駐省同鄉會彭逸等函懇電飭陳旅長取銷借款並將已收銀元返還以舒民困一案轉
請察照通飭嚴禁以杜專擅等因准此查此案前准

貴會轉函到署當經錄案函覆在卷茲准前因除再咨總司令部核辦外相應函覆

貴會請煩

查照此致

財政

湖南省議會

湖南省長公署啟一月二十四日

湖南省長公署咨總司令部文

爲咨請事案准

省議會函開逕啓者昨准茶陵駐省同鄉會彭逸等二十三人聯名函開第六混成旅陳旅長派兵來湘自由籌款四萬元業將情形電達並函請懇予咨請總司令飭令取銷蒙電飭免予籌繳災患餘生感恩無既惟余知事來電云奉總座電飭免繳當經電請陳旅長收回成命旋接覆電仍照前令籌借償還由陸旅負責等語查軍餉向由總部查照預算發給自由籌借迭蒙議決咨行嚴禁省憲法第七條亦明白規定各師旅均遵從上令體恤民艱法外誅求早已絕跡陳旅於省憲公布之際弁髦法令罔恤災黎軍人以絕對服從爲天職陳旅自由行動當爲法律所不許至云償還由陳旅負責尤屬創聞政府提征田賦爲人民有限之痛苦尙蒙貴會否決陳旅額外籌借以個人擔保之名向窮困無告之境違令勒借人民雖無力對付貴會洞悉在抱于光天化日之下斷不容有此軌外行動再用函懇咨請總部電飭陳旅長余知事取銷此次借款並將勒收銀元返還以舒民困而肅軍紀毋任迫切待命之至等由准此經於協議會討論僉謂限制軍隊借款已於通過提徵十一年田賦案內有所規定况陳旅長以個人名義擔保負責重以總部免繳之道飭仍復悍然不顧迹其舉動頗近跋扈應請政府再行通飭嚴禁以杜專擅等語相應函達貴公署卽希察照爲荷等因准此查此案前據彭逸等電呈到署當經咨請

貴部核辦在卷茲准前因除函覆外相應再行咨請

貴部查核辦理爲荷此咨

湖南總司令部

趙恒毅

中華民國十一年一月二十四日
公函

巡覆者案准

貴會函開逕啟者（本月十一日有退伍員兵夫等集合至數百人突來本會求發存餉紛紛譁噪勃不可遏其獵悍者闖入庖廚儘所有飯食菜蔬一噉而盡此等舉動形同乞丐勢等逃荒核閱所呈稟函內有總座布告存餉一項議會未能通過數語大乖事實不勝詫異查湘軍存餉積欠甚鉅疊准貴公署會同總部咨商往復本會爲恤民起見雖否認附加田賦而對於發行有期證券卻表贊同矧十年度預算根據政府交議之案存餉列一百五十萬又預算費一百七八十萬加以提徵田賦可得二百萬綜計實在五百萬以上統籌兼顧未始不周詳審慎是則存餉一項政府未雨綢繆似應早有計畫今值陰歷歲暮年關困難習俗皆然退伍軍人亦屬可憫亟宜早爲之所庶免釀成事端本會爲言論機關治軍理財非所掌管嗣後遇有前項員兵滋擾情事計惟有將本會通過存餉數目登報宣布俾衆週知一與軍民相見以誠一與政府相孚以信昨經開會協議所見無異持論皆同相應函達貴公署查照並轉知總司

令部察核施行等因准此查湘省財政奇絀各軍存餉多未按期發給以致該員兵等闖入貴會肆行滋擾殊深歉仄惟十年度預算第貴會加列分發本年存餉一百五十萬元經敝署通盤核算並無餘款足資分配業將空礙情形先行咨達並一面趕辦理由書即日補交覆議各在案准函前因除咨請總司令部查核辦理外相應函覆請煩

查照)此致

湖南省議會

湖南省長公署咨總司令文

爲咨請事案准

省議會函開逕啟者(同上標
弧內文)等因送達外相應咨請

貴部查核辦理此咨

湖南總司令部

中華民國十一年一月二十四日

湖南省長公署指令

趙恒熙

令湖南財政廳

呈爲各機關借欠新幣已分別償還懇派員監視彙燬由

呈單均悉各機關借欠商會新幣及該廳前託商會代押新幣案內小洋補價各款既據分別償還應准

如呈備查並候令飭監燬新幣委員王貫三彙案監視銷燬可也此令單行

趙恆懋

中華民國十一年一月二十四日

湖南省長公署訓令

令監視截燬新幣委員王貫三

案據財政廳長鍾才宏呈稱案查職廳前准長沙總商會函開敝會前以各機關借用新幣九萬五千八百六十三元七角擬請貴廳如數繳還以便截燬曾經函達在案茲查各機關所具印收共十八紙中有一紙係省公署借款票洋一萬元曾經對換金庫列字第七六號收據一紙以借款變成解款當時實屬錯誤應請設法更正以符原案茲特將印收十八紙一併繳送貴廳煩爲查照驗收如數換給新幣交由敝會截角銷燬以資清結竚盼見覆施行至前項金庫收據尚有副收據一份徧檢未見將來如果發現自應作廢合併函明等因同日又准該會函開去年六月間准長沙縣皮知事函奉貴廳令以新幣洋一十二萬元委託敝會向錢商押借光洋五萬元一案前因公家未能贖取業經商會准改爲變賣將抵押取銷惟查此項新幣內有小票洋四萬元按照定價一一五三八折扣大票洋三萬四千六百六十八元

六七應補大票洋五千三百三十三元三角方合大票洋十二萬元之數當經敵會墊款代補至今未准償還茲當此事結束之時相應函請貴廳查照如數補給大票洋五千三百三十三元三角以資歸結至
糾公誼等因並附送各機關借用新幣數目清單一紙及各機關印收十八紙先後到廳准此查各機關

提用商會新幣一款久假不歸現值新幣結束之期若由該會展轉索償恐稽時日自不如由廳如數墊出代爲一次償清再於各機關領款內分別扣抵較爲簡捷至職廳上年六月間托由該會代押新幣既經該會轉向各押款錢店商妥承認改爲變賣係爲免除取贖手續起見自應照辦其小洋補價一項亦係確實數目職廳楊前廳長任內迭准該會索補有案亦應由廳照數償還以資結束當經職廳令行總金庫提取權運局交存代收新幣項下大洋六萬一千元又令飭銀行清理處提取該處收存業經截角之大票洋四萬零一百九十六元又小洋七角一併函送請商會分別點收償還前兩項欠數並取有該會收據存廳備查各在案除關於墊還各機關欠數應分向各該機關領款內扣抵暨前項借款內前新幣經理處代辦分金庫誤填收據之票洋一萬元併候令行該分金庫於收支賬內設法更正外理合將此次償還商會兩項新幣數目連同抄送各機關欠數原單具文呈請鈞署察核轉飭監燬新幣委員知照一併監視彙案銷燬至爲公便等情並費送各機關借用新幣數目清單到署據此除指令(同上)此令印發外合行抄單令仰該員即便遵照此令

計發抄單一紙

趙恒密

中華民國十一年一月二十四日

湖南省長公署指令

令財政廳廳長

呈爲議覆瀏陽平江兩縣請蠲免十一年田賦由

准如呈辦理除分別咨行外仰卽知照此令

趙恒惲

中華民國十一年一月二十四日

湖南省長公署咨湖南省議會文

爲咨行事案查前准

貴會先後函咨請蠲免瀏陽平江兩縣十一年田賦等因過署均經令飭財政廳查明議覆核辦並先行布覆有案茲據財政廳廳長鍾才宏呈覆內稱「查平瀏兩縣上年夏季亢暘兼旬高岸田禾多就枯萎收成異常歉薄自前月沈軍竄入悍卒土匪大肆搶掠供應頻繁百業停滯凋敝之餘復遭此兵戎浩刦流離轉徙實已民不聊生若將本年錢糧照額征收民力恐有未逮然當此度支奇絀羅拙俱窮全恃各屬大宗賦收藉資應付若將該兩縣賦額一併蠲免公家損失又未免過鉅查民國五年湘西辰谿沅陵芷江麻陽等縣因大軍經過疲於供給詳准分別減免錢糧有案茲平瀏兩縣所受災害情形雖大致相同惟沈軍現駐平江防軍屯集一隅至今尙未解決且平邑旱災亦較瀏邑略重擬請援照成案准將平江縣本年應徵田賦蠲免五成瀏陽蠲免四成藉紓民力而示體恤似於國課民艱兩能兼顧此項辦法

係專指兵災暨旱災併計與他邑情形不同該兩縣被旱田畝亦不得再行呈請蠲免至所請發還前後墊款一節應由該兩縣知事查明所撥實數按照法定手續分案呈請核辦以清款目所有違令核議各緣由是否有當理合呈請鈞署俯賜察核指令祇遵等情據此除指令（同上）此令印發並分行外）相應咨請

貴會查照爲荷此咨

湖南省議會

中華民國十一年一月二十四日

湖南省長公署訓令

臨時省長趙恒毅

令
瀏陽縣知事
平江

案據財政廳長鍾才宏呈稱案奉鈞署內字第四一三五號及財字第三一七一號訓令准省議會公函以駐省平江救災援助會及公民李先恕等函請豁免十一年田賦歸還抵借款項又瀏陽救災協會孔昭綬潘源選等縷陳災況懇請免田賦並發急賑各等情請查照辦理一案原文邀免冗錄尾開令仰該廳即便查明議覆核奪等因奉此查平瀏兩縣同上括孤文內合行令仰該知事即便遵照錄令布告俾衆週知併將應徵田賦六成剋日徵齊掃解以濟急需是爲至要此令

趙恒毅

中華民國十一年一月二十四日
湖南省長公署指令

令湘鄉縣知事鄧德瑞

電懇派兵協助警隊分赴各鄉以便開征錢糧由

銳電悉仍候電請

總司令部迅予派兵前往鎮攝可也此令

趙恆恩

中華民國十一年一月二十四日

致湖南總司令部代電

長沙總司令部鑒據湘鄉縣知事鄧德瑞電稱屬縣前因常安等鎮匪擾電蒙派兵擊散兵甫回縣正擬呈報勦辦情形旋據神童鎮報稱該匪等復聚該鎮擾害當派警隊迅往查緝惟該鎮向設分櫃征糧警隊單弱難期得力不敢開櫃應請電飭謝鎮守使迅派軍隊駐攝以維地方而利徵收等情到署除指令銳電悉（同上）印發外相應電請查照爲荷省長公署 印

公函
逕覆者案准

貴會函開（逕啟者准本會議員康濤蕭湘柱周毓豐函開敝縣包辦雜稅委員謝澤湘勒令歇業各酒

店繳稅營業種種騷擾破壞荒政前經濟等報告大會轉咨政府並准政府函覆允將該委撤辦在案連日接到敝縣興讓鎮保衛團數函稱該委不惟未曾撤辦且變本加厲如鎮屬陂頭村之復勝堂藥店該委搜索無酒謂藥店需酒製藥必置有酒多方駭詐索錢二千文鎮屬桃茶村之永盛堂藥店有製藥之酒數益該委搜獲視爲賣品責稅不遂輒加以抗拒罪名其餘如鄉居住戶假酒稅爲詞挨戶檢查雖婦女臥房搜查必遍鎮屬蕭漸錦家並未賣酒與菸該委搜獲甜酒少許葉菸數把以爲猶不止此復欲強搜蕭之媳婦臥室該婦理斥之亦加以抗拒罪名均經呈報縣署派隊嚴辦至征收屠稅如鎮屬陂頭村之康朝山等該委勒令繳洋十元並另索伙食津貼等費其餘種種苛索難以枚舉若不早日撤退地方不勝其擾等語用特據情報告懇卽提出協議咨催政府迅電新化縣知事速將該委撤辦以維荒政而恤鄉民不勝感戴之至等由准此經於協議報告僉謂此事前經函准貴公署答覆令行財政廳查照辦理在案茲准前因合再轉達爲此函請貴公署察照爲荷）等因准此除再飭財政廳迅遵前令辦理外

相應函覆

貴會請煩查照此致

湖南省議會

期

湖南省長公署訓令

湖南省長公署啓一月二十四日

令財政廳

省議會函開逕啟者(原文同上
括弧內)等因准此除函復外合再令仰該廳即便遵照前令迅速辦理毋延此令

趙恒景

中華民國十一年一月二十四日

公函

逕覆者案准

貴會函准湘潭縣參事會電請將各項田賦抵借悉數抵還十一年田賦以符原案等因准此（查此次開徵十一年田賦係因接濟軍政要需前項抵借業據財政廳通盤籌算除准抵完賦稅外尙應繳解現金三成藉資應付前據該縣參事會電呈前來當經本署明白指令遵辦在案准函前因除令行財政廳及湘潭縣知事外相應函覆請煩

查照爲荷）此致

湖南省議會

湖南省長公署啟一月二十四日

令財政廳廳長
湘潭縣知事

湖南省長公署訓令

報

案准

省議會函開逕啟者准湘潭縣參事會庚電開頃閱財政廳卅一電令提徵十一年田賦仍應繳解現金

財政

十一

三成是對於十一年各項田賦抵借不能悉數抵還聞命之下不勝惶悚敝縣旱荒之後繼以蟲傷災情迭見痛苦實深前因抵借軍餉籌措鉅款實屬忍痛輸將茲值田賦開征仍須繳納三成現金嗟我潭民何能擔負敬懇貴會根據議決十一年田賦抵借各項悉數抵還田賦之原案咨催省長迅令財政廳轉令湘潭縣知事照案執行至級公誼等由准此經于協議會報告僉謂事經議決有案應請政府查照辦理相應函達貴公署即希察照爲荷此致等因准此除函覆查此次原文同上
括弧內爲荷等因並分行外合行令仰該知事廳即便查照此令

趙恆恩

中華民國十一年一月二十五日

七
覆零陵縣知事電

零陵唐知事鑒代電悉該縣收成歉薄會同華洋籌賑分會各員集資發給護照派員分班前赴下游採辦穀米自係維持民食要圖准予照辦惟免釐一節應候令行財政廳查明向章轉飭遵照省長趙敬印湖南省長公署訓令

令財政廳

案據零陵縣知事兼華洋籌賑分會會長唐承緒電以該縣民食缺乏會同華洋各員籌集款項發給護照前赴下游採辦穀米運回接濟請電飭沿途局卡免釐施行等情並據聲明該廳有案除電復代電悉該縣收成歉薄同上等因印發外合行令仰該廳即便查照辦理此令

中華民國十一年一月二十四日

趙恆忍

湖南省長公署指令

令卸任牛洲警察分所所長龍道濟

呈爲追獲米案懇調卷查核以昭真相由

悉查此案昨據湘陰縣黃知事呈覆前據該縣禁烟員兵擎解米船五艘業經訊明實與闖越偷漏各情有別遂取結准其運往長沙隨派員跟查並未再行運向下游等情本署當以阻截穀米案件弊竇叢生該縣禁烟員兵攔獲米船五艘押解赴縣事前既未據該知事請示辦法事後亦未據將辦理情形呈報備案迨本署命令行查始據呈覆殊爲未合惟旣據處理並聲明確無賄放情事姑准如呈備查倘將來此案發生事故查明確有弊端再行從嚴澈究等因指令在案茲據呈稱吳東林等米船三艘係由該前分所長追獲且取吳東林等承認私運出禁屬實摹結送縣等語核與黃知事呈覆情形大相逕庭亟應切實澈查以明真相仰候令行湘陰縣知事再行詳查據實呈覆並將此案全卷蓋印賣署以憑核辦此令

趙恆忍

中華民國十一年一月二十五日

湖南省長公署訓令

財政

令湘陰縣知事黃周崇

案據卸任牛洲警察分所長龍道濟呈稱呈懇調卷查核以明真相事竊道濟於牛洲警察分所長任內追獲吳東林等偷運出境之米三船由彭檢查員大登解縣在案如米禁應行提獎充公各條均未見縣長照章發落因於前次將取具該米商等摹結各節專呈報明奉批已於陳米禁專員振東呈敘時飭縣查覆竊恐彭委員受米商運動朦稟縣長開放飾詞非係私運出境轉蔽憲聰莫明真相駢至效尤者視米禁爲具文民食前途誰爲挽救用特呈懇飭縣檢同道濟所取吳東林等承認私運出禁屬實摹結由縣警察所解縣全卷呈解鈞署查核辦理俾無迴護以懲奸商儆官邪維民食實爲德便等情據此除指令呈悉(同上)此令印發外合行令仰該知事即便遵照辦理毋稍違延切切此令

趙恒恩

中華民國十一年一月二十五日

湖南省長公署指令

令辰谿縣知事

呈覆廖星階控團總羅鑒臣劣跡昭彰請飭撤究准予免究由

呈悉據查該縣團總羅鑒臣攤派團捐尙屬公允並無苛刻情事自應免予置議仰即知照此令

趙恒恩

中華民國十一年一月二十五日

司法

湖南高等檢察廳訓令

令道縣知事文漢德

案准

高等審判廳函開逕啟者案據道縣知事文漢德轉賣舊監補送本年六月份支出計算書一份附屬表一份收支對照表一份超過囚糧收據一紙并十月份實支經費數目清單一本到廳查監獄事項係屬貴廳主政相應將原賣各件備函送請查收核辦等因准此查各縣監獄經費向歸本廳主管此次該知事將該縣舊監違令補送之計算書據清單轉呈

高等審判廳查核已屬錯誤且審覈原賣各件除補送之六月份計算書據尙無不合應准存候彙轉外其造報之十月份經費清單內載囚糧一項竟支至二百五十餘元之多殊與本廳迭次指示該知事轉賣該監本年六七八等月支出計算書表及該知事呈賣更造九年度墊付不敷囚糧清單各令大相違背未便仍予變通請款合將原單發還仰即嚴厲督同該管獄員遵照從前各令內開事理趕緊切實清釐由該管獄員撙節另編十月份實支經費數目清單仍呈由該知事專案核轉來廳以便核定請款嗣後該知事按月預墊監獄經費并須查照定額斟酌支發不得聽其任意浮濫致干駁詰該管獄員如仍故違命令長此濫支本廳則惟有不予轉請發款藉示限制仰即遵照辦理并轉行該管獄員一體凜遵毋再玩忽干咎切切此令

計發還舊監十月份經費清單一本

檢察長蕭度

中華民國十年十二月五日

湖南高等檢察廳指令

令耒陽縣司法收費書記官夏畊莘

呈一件呈費接收移交清冊乞鑒核由

悉查司法收費處交代手續應由卸任書記官將任內所管之狀紙印紙文卷簿據聯單表冊器具及
經收各種款項分別種類造具四柱清冊移交新任憑同縣知事點收即由新任照樣造具二份會具切
結分費備核方為合法茲閱來冊並未按照種類分別舊管新收開除實在四柱造具又未會同該縣知
事加具移交接收清楚切結殊不足以資查考而專責成合將原冊發還仰即遵照指示各節更正補費
勿違切切此令

• 計發還清冊一份

檢察長蕭度

中華民國十年十二月六日

湖南高等審判廳民庭公開審理案件日時通告

本廳民庭二月十四日午后一時公開審理案件如左

一曹黃氏與曹李氏因繼承涉訟不服宜章縣知事公署第一審判決控訴一案

(公開審理)

本廳民庭二月十五日午後一時公開審理案件如左

一章連衡與王善堂因股夥涉訟不服常德地方審判廳第一審判決控訴一案

(公開審理)

本廳民庭二月十六日午後一時公開審理案件如左

一蔡延富與楊世泉因婚姻涉訟不服石門縣知事公署第一審判決控訴一案

(公開審理)

一周孝林與朱金漢因股夥涉訟不服常德地方審判廳第一審判決控訴一案

(公開審理)

一雷元吉與羅祖文因坟山涉訟不服桂陽縣知事公署第一審判決控訴一案

(公開審理)

本廳民庭二月十七日午後一時公開審理案件如左

一鄖潤松與王莘農因贖田涉訟不服長沙地方審判廳第一審判決控訴一案

(公開審理)

本廳民庭二月十八日午後一時公開審理案件如左

一趙育堂與汪國潤因坟山涉訟不服臨澧縣知事公署第一審判決控訴一案

(公開審理)

一謝信普與李莊臣因坟山涉訟不服湘鄉縣知事公署第一審判決控訴一案

(公開審理)

湖南高等審判廳刑庭公開審理案件日時通告

本廳刑庭二月十三日午前十時公開審判案件如左

一控告人吳南光對於宜章就黃王氏傷害之所爲第一審判決不服控告一案

一控告人廖人坊對於郴縣就控告人私擅逮捕罪之所爲第一審判決不服控告一案

一控告人吳福生對於湘鄉就控告人毀損罪之所爲第一審判決不服控告一案

一控告人吳福生對於湘鄉就控告人毀損罪之所爲第一審判決不服控告一案

本廳刑庭二月十四日午前十時公開審判案件如左

一控告人車明新對於澧縣就控告人和誘罪之所爲第一審判決不服控告一案

一控告人劉學烜對於醴陵就劉霽嵐等掘壕拋骸之所爲第一審判決不服控告一案

一控告人高檢官對於藍山就李壽全詐財罪之所爲第一審判決不服控告一案

一控告人李運發對於甯鄉就何子南傷害致死罪之所爲第一審判決不服控告一案

本廳刑庭二月十五日午前十時公開審判案件如左

一控告人劉曾氏對於寶慶就劉義堂殺人罪之所爲第一審判決不服控告一案

一控告人侯黼繡對於攸縣就侯大廷等逮捕監禁等罪之所爲第一審判決不服控告一案

一控告人陳吉齋等對於湘潭就控告人傷害等罪之所爲第一審判決不服控告一案

本廳刑庭二月十六日午前十時公開審判案件如左

一控告人高檢官對於臨湘就劉介卿傷害罪之所爲第一審判決不服控告一案

一控告人劉廷衡對於湘鄉就控告人勒斃騷擾等罪之所爲第一審判決不服控告一案

一控告人高檢官對於湘潭就吳濟前等強取毀損罪之所爲第一審判決不服控告一案